

ხელშეკრულება სახელმწიფო შესყიდვის შესახებ

ელექტრონული ტენდერი აუქციონის გარეშე NAT

პროექტი

ქ. თბილისი

----- 2021 წელი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეყნურო დაწესებულება - სპეციალური პენიტენციური სამსახური (შემდგომში „შემსყიდველი“) წარმოადგენილი ეკონომიკური დეპარტამენტის უფროსის - ____ სახით და მეორე მხრივ, ----- (შემდგომში „მიმწოდებელი“) წარმოადგენილი ----- სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT-----) ვდებთ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს სპეციალური პენიტენციური სამსახურის პენიტენციური დეპარტამენტისა და პენიტენციური დაწესებულებების მოსამსახურეთათვის უნიფორმების შესყიდვა შესაბამისი ემბლემით, კოკარდითა და ატრიბუტიკით (CPV18200000 გარედან ჩასაცმელი ტანსაცმელი).

2. ხელშეკრულების საერთო ღირებულება

2.1. ხელშეკრულების საერთო ღირებულება შეადგენს ----- ლარს.

2.2. საქონლის ერთეულის და საერთო ფასები განსაზღვრულია დანართი N---ში.

2.3. ამ თავის 2.2. ქვეპუნქტში აღნიშნული დანართი N-- (--- ფურცელი) წარმოადგენს ხელშეკრულების განუყოფელ ნაწილს და თან ერთვის ხელშეკრულებას.

2.4. ხელშეკრულების 2.1. ქვეპუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

3. შესყიდვის ობიექტის ხარისხი, გარანტია, მიწოდების ვადა, ადგილი და პირობები

3.1. მიმწოდებელი იძლევა გარანტიას, რომ საქონელი იქნება ხარისხიანი, უპასუხებს ხელშეკრულების პირობებს და დააკმაყოფილებს დანართი N---ით განსაზღვრულ მოთხოვნებს.

3.2. ქურთუკზე უნდა ვრცელდებოდეს გარანტია მინიმუმ 2 (ორი) წელი, ხოლო - გრძელ და მოკლე სახელოებიან პერანგებზე, შარვლებზე, ქამრებზე და კეპებზე მინიმუმ 1 (ერთი) წელი მიღება-ჩაბარების აქტის გაფორმებიდან.

3.3. უნიფორმაზე დატანილ ემბლემაზე, კოკარდაზე და ატრიბუტიკაზე უნდა ვრცელდებოდეს გარანტია მიღება-ჩაბარების აქტის გაფორმებიდან არანაკლებ 1 წლის განმავლობაში, რა დროსაც ყველა ნაკეთობა და ფხრიჩი უნდა ინარჩუნებდეს ფერს, ხარისხსა და თვისობრივ მახასიათებლებს (რეცხვისა და ტემპერატურის ზემოქმედების ჩათვლით), არ უნდა აღინიშნოს ნაკერ(ებ)ის რღვევა.

3.4. საგარანტიო პერიოდში მოწოდებულ საქონელზე გამოყენებული მეტალის მასალა და დამხმარე აქსესუარები არ უნდა დაიჟანგოს, ჩამკეტი მოწყობილობა, ფიქსატორები ძალის ზემოქმედების შედეგად არ უნდა დაიშხვრეს და დაზიანდეს, უნდა ინარჩუნებდეს ხარისხსა და თვისობრივ მახასიათებლებს.

3.5. საგარანტიო პერიოდში აღმოჩენილი ხარვეზის ან/და ნაკლის არსებობის შემთხვევაში (მათ შორის ფორმისა და ფერის დაკარგვა), მიმწოდებელი ვალდებულია 10 (ათი) კალენდარული დღის ვადაში გამოასწოროს იგი ან შეცვალოს ახალი შესყიდვის ობიექტით, შემსყიდველის მხრიდან დამატებითი დანახარჯების გაწევის გარეშე.

3.6. საქონლის შემოტანა უნდა განხორციელდეს ეტაპობრივად, ხელშეკრულების გაფორმებიდან 150 (ასორმოცდაათი) კალენდარული დღის განმავლობაში, კერძოდ, ხელშეკრულების გაფორმებიდან 90 (ოთხმოცდაათი) კალენდარული დღის განმავლობაში არანაკლებ 900 (ცხრაასი) კომპლექტი, ხელშეკრულების გაფორმებიდან 120 (ასოცი) კალენდარული დღის განმავლობაში არანაკლებ 900 (ცხრაასი) კომპლექტი, ხელშეკრულების გაფორმებიდან 150 (ასორმოცდაათი) კალენდარული დღის განმავლობაში არანაკლებ 900 (ცხრაასი) კომპლექტი. კომპლექტი მოიცავს შემდეგს: ქურთუკი 1 ცალი, პერანგი მოკლე სახელოთი 2 ცალი, პერანგი გრძელი სახელოთი 2 ცალი, შარვალი 2 ცალი, კეპი 2 ცალი, ქამარი 1 ცალი.

3.7. მიწოდების ადგილია: ქ. თბილისი, ჟორესის ქ. N10 (შესყიდვის ობიექტის მიწოდება და დაცლა/დასაწყობება მიმწოდებელმა უნდა უზრუნველყოს საკუთარი ხარჯით).

3.8 შესყიდვის ობიექტს უნდა გააჩნდეს მწარმოებლის მიერ დატანილი იარლიყი, სადაც დაფიქსირდება ზომა, მწარმოებელი ფორმა, გამოყენებული ქსოვილის შემადგენლობა, მოვლის წესები და სხვა საჭირო ინფორმაცია.

3.9 საქონელი უნდა იყოს ინდივიდუალურად შეფუთული.

3.10 მიმწოდებელს შესასყიდი საქონლის კონკრეტული ზომები, ასევე ატრიბუტიკის რაოდენობა სახეობების (A,G,B,C) მიხედვით გადაეცემა ხელშეკრულების გაფორმების შემდეგ, მომდევნო სამუშაო დღეს.

3.11 უცხო ენაზე წარმოდგენილ დოკუმენტაციას თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.

4. საქონლის მიღება-ჩაბარების წესი

4.1. საქონლის მიღება ფორმდება ეტაპობრივად მიღება-ჩაბარების აქტით, რომელსაც ხელს აწერენ შემსყიდველის მხრიდან სპეციალური პენიტენციური სამსახურის -----, ხოლო მიმწოდებლის მხრიდან დირექტორი ან/და მის მიერ უფლებამოსილი პირი.

4.2. საქონლის დროებით შენახვაზე გაფორმებული მიღება-ჩაბარების აქტი/აქტები არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

4.3. ხელშეკრულების მე-11 პუნქტით განსაზღვრული ექსპერტიზის ჩატარების შემთხვევაში, მიღება-ჩაბარების აქტი გაფორმებულ იქნება მხოლოდ ექსპერტიზის დადებითი დასკვნის მიღების შემთხვევაში, ამასთან მიღება-ჩაბარების აქტში საქონლის მიწოდების თარიღად დაფიქსირდება საქონლის დროებით შენახვაზე გაფორმებული მიღება-ჩაბარების აქტის თარიღი.

5. ანგარიშსწორების პირობები

5.1. მიმწოდებელთან ანგარიშსწორება განხორციელდება ეროვნულ ვალუტაში.

5.2. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით, ფაქტობრივად მიწოდებული შესყიდვის ობიექტის მიხედვით.

5.3. ანგარიშსწორების განხორციელებისათვის მიმწოდებელმა უნდა წარადგინოს ხელშეკრულების 4.1 ქვეპუნქტში მითითებული მიღება-ჩაბარების აქტი, სასაქონლო ზედნადები და საგადასახადო ანგარიშ-ფაქტურა (კანონით გათვალისწინებულ შემთხვევაში).

5.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 5.3. პუნქტით განსაზღვრული დოკუმენტაციის წარმოდგენიდან 10 (ათი) სამუშაო დღის განმავლობაში.

5.5. მიმწოდებლის მოთხოვნის შემთხვევაში, შესაძლებელია განხორციელდეს საავანსო ანგარიშსწორება არაუმეტეს სახელშეკრულებო ღირებულების 70%-ის ოდენობით. ამ შემთხვევაში, მიმწოდებელი ვალდებულია წარმოადგინოს შესაბამისი ოდენობის საბანკო/სადაზღვეო გარანტია. საბანკო/სადაზღვეო გარანტიის მოქმედების ვადა მინიმუმ 2 (ორი) თვით უნდა აღემატებოდეს შესყიდვის ობიექტის მიწოდების დასრულებისათვის განსაზღვრულ ვადას. ამ შემთხვევაში ანგარიშსწორება განხორციელდება საავანსო საბანკო/სადაზღვეო გარანტიის წარდგენიდან წარმოდგენიდან 5 (ხუთი) სამუშაო დღის განმავლობაში.

5.6. გარანტია წარმოდგენილი უნდა იქნას საბანკო ან სადაზღვეო დაწესებულებიდან (გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან/და სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვეო კომპანიიდან).

5.7. ფაქტობრივად მიწოდებული საქონლის ღირებულების 100% მიმართული იქნება გაცემული ავანსის დასაფარად.

5.8. თეთრ სიაში რეგისტრირებული მიმწოდებლისთვის, საშეღვათო წინასწარი ანგარიშსწორების შემთხვევაში გაცემული ავანსის დაფარვა განხორციელდება შემდეგი წესით: მიწოდებული საქონლის ღირებულების პროპორციული გადახდისას პირველად იფარება გარანტიით გათვალისწინებული თანხის გარეშე, შედგაითით გაცემული ავანსი მის სრულ ამოწურვამდე, ხოლო შემდგომში მოხდება გარანტიით გათვალისწინებული თანხის დაფარვა მიწოდებული საქონლის ღირებულების 100%-ის ოდენობით.

5.9. შემსყიდველი უფლებამოსილია დაკისრებული პირგასამტეხლოს თანხა (ასეთის არსებობის შემთხვევაში) დააკავოს მიმწოდებელზე გადასარიცხი თანხიდან.

5.10. დაფინანსება: 2021 წლის სახელმწიფო ბიუჯეტი.

6. მხარეთა ვალდებულებები და უფლებები

6.1. შემსყიდველი ვალდებულია:

- ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ბ) უზრუნველყოს უფლებრივად და ნივთობრივად უნაკლო საქონლის მიღება.

6.2. შემსყიდველს უფლება აქვს:

საქონლის მიღება/ჩაბარების დროს ჩაატაროს შემოწმება/კონტროლი მიწოდებული საქონლის ხარისხის და რაოდენობის ხელშეკრულებასთან და დანართი N--- თან შესაბამისობის დადგენის მიზნით.

6.3. მიმწოდებელი ვალდებულია:

- ა) მიაწოდოს შემსყიდველს ხელშეკრულების N-- დანართით გათვალისწინებული რაოდენობისა და ხარისხის საქონელი;
- ბ) დაიცვას ხელშეკრულებით და N-- დანართით გათვალისწინებული ყველა პირობა;
- გ) შემსყიდველს მიაწოდოს უფლებრივად და ნივთობრივად უნაკლო საქონელი;
- დ) შემსყიდველს მიაწოდოს ხელშეკრულების 5.4. ქვეპუნქტში მითითებული ყველა დოკუმენტი;
- ე) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუზიაროს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

6.4. მიმწოდებელს უფლება აქვს:

მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

7. მხარეთა პასუხისმგებლობა ხელშეკრულების დარღვევისას

7.1. ხელშეკრულების პირობების არაჯეროვანი შესრულების შემთხვევაში (არაჯეროვან შესრულებაში არ ჩაითვლება საგარანტიო პირობებით გათვალისწინებული შემთხვევები), მიმწოდებელს ეკისრება პირგასამტეხლო ხელშეკრულების საერთო ღირებულების 5% - ის ოდენობით.

7.2. საქონლის მიწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02% - ის ოდენობით.

7.3. ხელშეკრულების N-- დანართით გათვალისწინებული რაოდენობის საქონლის მიუწოდებლობის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

7.4. ინსპექტირებისას აღმოჩენილი დეფექტის, ნაკლის გამოსწორებისათვის ან/და შეცვლისათვის მიმწოდებელმა თუ გადააცილა ხელშეკრულებით გათვალისწინებულ ვალდებულების შესრულების საერთო ვადას მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02%-ის ოდენობით.

7.5. მიწოდებულ საქონელზე საგარანტიო მომსახურების პერიოდში აღმოჩენილი ნაკლის ან დეფექტის გამოსწორებისათვის მიმწოდებელმა თუ გადააცილა 10 (ათი) კალენდარული დღეს მიმწოდებელს ეკისრება პირგასამტეხლო ყოველ ვადაგადაცილებულ დღეზე მიუწოდებელი საქონლის ღირებულების 0,02% - ის ოდენობით.

7.6. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო ხელშეკრულების საერთო ღირებულების 10 %-ის ოდენობით.

8. ხელშეკრულების მოქმედების ვადა

8.1. ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან -- წლის -- ჩათვლით.

9. ხელშეკრულების პირობების გადასინჯვის შესაძლებლობა

9.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

10. დაუძლეველი ძალა (ფორს-მაჟორი)

10.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

10.2. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

10.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

10.4. ფორს-მაჟორული გარემოების არსებობის ფაქტი დადასტურებული უნდა იყოს კომპეტენტური სახელმწიფო ორგანოს მიერ.

11. ხელშეკრულების ინსპექტირების პირობები

11.1. შემსყიდველი შესყიდვის ობიექტის მიწოდების კონტროლს ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

11.2. იმ შემთხვევაში თუ კონტროლის განმახორციელებელი პირი ვიზუალური დათვალიერების შედეგად ჩათვლის, რომ მომწოდებლის მიერ, მოწოდებული შესყიდვის ობიექტი განსხვავდება ხელშეკრულების დანართი N--ით განსაზღვრული ტექნიკური აღწერილობისგან ან/და ელექტრონულ ტენდერზე (-----) წარმოდგენილი ნიმუშისგან, შემსყიდველი უფლებამოსილია მოწოდებულ საქონელზე (ხელშეკრულების შესრულების ეტაპზე) მოითხოვოს ტექნიკური დოკუმენტაციის 3.1.1 პუნქტით განსაზღვრული ყველა სახის საექსპერტო დასკვნის წარმოდგენა, ამავე პუნქტით განსაზღვრული დაწესებულებებიდან. თუკი საქონლის რამდენიმე სახეობაში გამოყენებული იქნება ერთიდაიგივე (მ. შ. იდენტური ფერის) ქსოვილი, შეირჩევა მხოლოდ საქონლის ერთი სახეობა (მაგ. მხოლოდ ქალის ან მამაკაცის შარვალი). შემსყიდველის მიერ შერჩეული, დალუქული საქონელი ექსპერტიზისათვის ფოსტის მეშვეობით გაიგზავნება შემსყიდველის მიერ, იმავე დღეს. ფოსტის მომსახურების ხარჯებს ანაზღაურებს შემსყიდველი, ხოლო ექსპერტიზის ხარჯებს ანაზღაურებს მიმწოდებელი.

11.3. მიმწოდებელმა საქონლის საექსპერტო დაწესებულებაში შესვლიდან არაუმეტეს 8 სამუშაო დღეში, უნდა უზრუნველყოს საექსპერტო დასკვნის მომზადება, რომელიც ელექტრონული ფორმით უნდა დაუბრუნდეს შემსყიდველს, ხოლო შემდგომ ორიგინალი/დედანის სახით.

11.4. შემსყიდველის მიერ, განხორციელდება საექსპერტო ნიმუშების თანხის ანაზღაურება თუკი ისინი დააკმაყოფილებს ტექნიკური დავალებით განსაზღვრულ მოთხოვნას.

11.5. შემსყიდველი იტოვებს უფლებას საქონლის მიწოდების ნებისმიერ ეტაპზე მოითხოვოს მიმწოდებლისგან 11.2 პუნქტით გათვალისწინებული დასკვნის წარმოდგენა.

11.6. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა, ასევე ექსპერტიზის ხარჯების ანაზღაურება.

11.7. შემსყიდველის მხრიდან ხელშეკრულების შესრულების კონტროლს განახორციელებს სპეციალური პენიტენციური სამსახურის -----.

12. ხელშეკრულების შესრულების გარანტია

12.1. მიმწოდებელმა წარმოადგინა ---- ლარის ოდენობით ხელშეკრულების უზრუნველყოფის საბანკო გარანტია.

12.2. ხელშეკრულების უზრუნველყოფის საბანკო გარანტიის მოქმედების ვადაა : ----- .

12.3. ხელშეკრულების უზრუნველყოფის საბანკო გარანტია წარმოადგენს ხელშეკრულების განუყოფელ ნაწილს.

12.4. მიმწოდებლის მიერ ხელშეკრულებით გათვალისწინებული ვალდებულების დარღვევის (ხელშეკრულებით გათვალისწინებული ვალდებულების შესრულებაზე უარის თქმა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველს უფლება აქვს მიმწოდებელს არ დაუბრუნოს საბანკო/სადაზღვევო გარანტიით გათვალისწინებული თანხა. შემსყიდველს უფლება აქვს ასევე მიმწოდებელს არ დაუბრუნოს საბანკო/სადაზღვევო გარანტიით გათვალისწინებული თანხა იმ შემთხვევაში თუ იგი უარს აცხადებს დაკისრებული პირგასამტეხლოს გადახდაზე (პირგასამტეხლოს პროპორციულად).

12.5. გარანტია უკან დაუბრუნდება მიმწოდებელს ხელშეკრულებით ნაკისრი ვალდებულებების სრულად და ჯეროვნად შესრულების შემდეგ.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია ხელშეკრულებით გათვალისწინებული რომელიმე ვალდებულების შესრულება.

გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ.

დ) შემსყიდველისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

ე) ხელშეკრულების ვადის გასვლის საფუძველზე.

13.2. შემსყიდველი ასევე უფლებამოსილია შეწყვიტოს ხელშეკრულება იმ შემთხვევაში, თუ მიმწოდებელი ვერ უზრუნველყოფს საქონლის მიწოდებას ხელშეკრულების 3.6 პუნქტში მითითებული მიწოდების ვადის დასრულებიდან არაუგვიანეს 10 სამუშაო დღისა.

13.3. ურთიერთშეთანხმების საფუძველზე.

13.4. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულებ(ებ)ის შესრულებისაგან.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. ხელშეკრულების ნებისმიერი ცვლილება ან დამატება შედგენილ უნდა იყოს მხარეთა მიერ ელექტრონული ფორმით.

16. მხარეთა რეკვიზიტები

შემსყიდველი	მიმწოდებელი
საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება - სპეციალური პენიტენციური სამსახური მის: ქ. თბილისი, ზ. ანჯაფარიძის ქ.N27, საიდენტიფიკაციო კოდი: 205360223, სახელმწიფო სახაზინო კოდი: TRESGE22, ა/ა GE24NB0330100200165022 ეკონომიკური დეპარტამენტის უფროსი /იულია ტყეშელაშვილი/	„ -----“ მის: ----- საიდენტიფიკაციო კოდი: ----- საბანკო რეკვიზიტები: სს „ -----ბანკი“, ბანკის კოდი: ----- ა/ა ----- დირექტორი / /